

№ 390. *Заявленіе Анастасіи Мелешковой о нанесеніи побоевъ ей людямъ людьми Авраама Мелешки.*

Тогожъ дня, ѿг (18), в понеделокъ.

Присылала до книгъ земскихъ Слонимскихъ землянка господарская повѣту Слонимского пани Иванова Мелешкова, пани Настасья Васильевна Тишкевича боярина своего Девятковского, на имя Хому Кунцовича, жалуючи и оповедаючи на подданого пана Абрама Данилевича Мелешка на имя на Ивана Кобеля о томъ, ижъ дей дня вчорашнего, в неделю, на запусы великие руские, в року семъ шестьдесятъ шостомъ, месеца Февраля сегонадцать дня, перенемши дей тотъ Иванъ и з сынами своими на местечку пани Ивановое, с паномъ Абрамомъ неделеного, паробковъ паней двора Девятковского и при нихъ кухара паней на имя Халимона Хлебородовича, тотъ же Иванъ Кобель и з сынами и збилъ и зранилъ, якожъ ее милость пани тое збитъе и зраненъе и шкоды тыхъ паробковъ и кухара возному повѣтовому Станиславу Буйне оповедала. Возный, ставши, и до книгъ созналъ, ижъ виделъ на Хилимонцу и огороднику Ильиномъ рану битую кривавую, а на стегне правой ноги рана битая синевая, на Яцку Жуковичу рана на руке правой синевая битая, на Иванчику Микитичу рану на голове битую синевую, а на руке такожъ синевая битая; и коли-мъ пыталъ тыхъ ранныхъ пани Ивановое, отъ кого бы тые раны мели, оны мнѣ повелили, ижъ дей маемъ тые раны отъ подданого пана Абрамова Ивана Кобеля и отъ сыновъ его. То тежъ мнѣ пани Иванова оповедала, ижъ дей дня вчорашнего, в недѣлю, пришедши до книгъ ключникъ пана Абрамовъ Сава Курьяновичъ просили ей милости пани Ивановое о вѣжа на огледанъе ранныхъ пана Абрамовыхъ и жалуючись на слугу пана Волчкова, зятя моего, на Журавского; я-мъ дей ему вижа дала боярина своего на имя Хому, служебника своего Миколайца, то пакъ дей оный бояринъ и служебникъ, бывши тамъ у

дворе пана Абѣрама и оныхъ ранныхъ дей огледевши, и передо мною отказали, ижъ дей оные раны менили быть себе отъ служебника пана Волчкова, зятя моего, Журавского, гдѣжъ ей милость того служебника Журавского передо мною поставила и пытала, еслижъ бы онъ мель битъ тыхъ ранныхъ пана Абрамовыхъ; онъ передо мною созналъ, ижъ дей тыхъ подданныхъ пана Абрамовыхъ билъ а Ильюта Олексевичъ, вранникъ пани Ивановое ихъ не билъ, ани виненъ тому, одно дей я самъ ихъ билъ, бо дей онижъ мя били. И то дала ей милость пани Иванова себе до книгъ земскихъ записать.

№ 391. *Заявленіе Гриня Михновича о нападении урядника Станислава на нѣкоторыхъ Везовецкихъ крестьянъ, нанесеніи имъ побоевъ и захватъ различныхъ вещей.*

Тогожъ месеца Февраля ѿ (20) дня, в среду.

Присылатъ до книгъ земскихъ Слонимскихъ вранникъ Везовецкый его милости пана Щастного Сируты, мечного господарского, Гринь Михновичъ боярина пана своего Гришка Бивойновича, жалуючи и оповедаючи на понаместника Везовецкого, на имя Станислава, который понаместникомъ у Везовцы отъ вранника Везовецкого пана Озренского, ижъ дей тотъ Станиславъ, не ведати в который обычай, наехавши мощно квалтомъ с помочниками своими волторокъ минулый, месеца Февраля второнадцать дня на домъ подданого пана моего, на имя на Петра Порецкого, который неподалеку живетъ двора пана моего Везовецкого, того подданого самого, жону его и сына его Матея збилъ и зранилъ; вранникъ, услышавши таковой квалтъ приехалъ до подданого пана своего вышей помененого и хотель с тымъ Станиславомъ розмову вчинить, для чого такъ квалтовне наехавши на именъе пана моего, мужиковъ по-

збиваль и поранилъ, ино дей тотъ Стани-
славъ, не хочечи дей в томъ с нимъ ста-
течне поступовати, ани слушаючи мовенья
врядникового, але еще дей и врьдника
самого збилъ, а при немъ дей лесничого
пана моего Ивана москвитина збилъ и зра-
нилъ, а машталера Янка, якожь дей в тотъ
часъ врьднику шкоды стали грошей гото-
выхъ три копы литовскихъ, шапка чирво-
ная, а въ москвитина дей взялъ тотъ по-
наместникъ коня панского белого, за ко-
торого дей панъ далъ петьдесять копъ
грошей, и з седломъ турецкимъ и з уздою,
сагайдакъ, шаблю, однорадокъ лунский
голубый; якожь дей тое квалтовное нае-
ханье того понаместника возному повѣто-
вому Гаврилу Минкевичу оповедаль. Воз-
ный ставши и до книгъ созналъ, ижъ вы-
делъ на врьднику Гриню рану на хрибте
синевою битую, на лесничомъ Ивану рана
в голови кривавая рубаная, а на нозе ле-
вой рана синева бита, на Янку машта-
леру синева рана на нозе правой би-
тая, на подданомъ Матею Петровичу
рана на нозе правой синева битая. Тотъ
же врьдникъ мнѣ оповедаль, ижъ дей при
томъ збитью и зраненью згинуло ему три
копы грошей литовскихъ, шапка, у москви-
тина конь белый, за которого дей панъ
далъ петьдесять копъ грошей, и з седломъ
турецкимъ и уздою, сагайдакъ, сабля, од-
норадокъ лунский голубый, а полкопы гро-
шей дей с хусткою; а у подданого дей
Петра сермягъ две, кожухи два, сокеръ
две, сорочокъ пять, простицъ две, грошей
сорокъ. Которое оповеданье врьдника Ве-
зовецкого Гриня Михновича, а сознанье
возного до книгъ земьскихъ записано есть.

№ 392. *Заявленіе Сигизмунда Кручевскаго
объ уводѣ Андреемъ Сушкою нѣсколькихъ че-
ловѣкъ невольной челяди.*

Тогожь месеца кѣ (21) дня, в четвергъ.
Присылалъ до книгъ земьскихъ Сло-
нимскихъ врьдникъ князя Ондreja Одино-

вича—старосты Оршинского Деречинский
панъ Жикгимонтъ Кручевский, жалуючи и
оповедаючи на врьдника князя Олександра
Полубенского Деречинского, на Ондreja
Сушка о томъ, ижъ дей року прошлого
шестьдесятъ пятого, передъ светымъ Пе-
тромъ, намовивши дей онъ челядь дворную
невольную з двора князя моего Щарин-
ского, на имя Ганну а Катериницу а Офедька,
хлопца, а четвертого возницу, до сестры
своее на Волынь и послалъ былъ с при-
ставомъ своимъ Васькомъ Макарцовичомъ,
который дей везучи тую челядь и отъе-
халъ одной жонки в Девятковичъ, на имя
Ганицы, то пакъ дей тая Ганица з Девят-
ковичъ пошла до Косова а с тыми тройма
Катериницою, Офедцомъ а возницею тотъ
приставъ на Волынь поехалъ, и мешкала
тая Ганица в Косове, якожь я заказъ чи-
нилъ по местамъ и местискамъ и по се-
ламъ, пытаючи оное челяди; гдѣ я тую
Ганицу нашолъ у Косове на месте князя
Ильва Кошерского, которую ми князь вы-
далъ яко невольную. И коли-мъ пыталъ
той жонки Ганицы добровольне передъ
вознымъ поветовымъ Богушомъ Высоцкимъ,
хто бы ихъ вывезъ, або намовилъ з двора
Щаринского князя моего, она поведила пе-
редъ вознымъ поветовымъ, ижъ дей насъ
намовилъ врьдникъ князя Олександра По-
лубенского Ондрей Сушко и послалъ былъ
дей до сестры своей на Волынь и приста-
вилъ былъ до насъ Васька Макарцовича,
который дей мене оставилъ у Девятковичъ,
а тыхъ трое Катериныну а хлопца и воз-
ницу на Волынь повезъ. И то возный до
книгъ созналъ.

№ 393. *Заявленіе князя Константина Виш-
невскаго о разспытаніи дѣла по обвиненію
его урядника Ивана Хиневскаго въ нападеніи
на крестьянъ князя Полубенскаго.*

Тогожь року ̳5 (1566), месеца Фев-
раля кѣ (21) дня, в четвергъ.

знание знаковъ квалтовныхъ возного на выписе, которымъ бы выписомъ того квалту доводить мелъ, не показаль, такъ тежъ ставиль шапку до возного, абы ведле жалобы его сознати мелъ, а возный сознати не хотель, а ижъ жона его безъ жадного доводу, и знаковъ квалтовныхъ не оказавши, голыми словы присегнути хотела, теды мы, намовившисе зъ ихъ милостью паны верху писаными, видечи, ижъ на тотъ квалтъ жадного доводу слушного, который бы менилъ, не оказаль, сказали есмо и вчинили отъ того квалту того служебника моего Яна вольнымъ и на томъ ему далъ сесъ мой листъ з моею печатью. Писанъ у Деречине. Што тотъ листъ выданъ с книгъ подъ печатми судейскими пана Михайла Соколовского—хоружого и судьи земьского Слонимского, а пана Потея Ельца, подсудка земского Слонимского.

№ 394. *Заявленіе Ивана Денисовича о нападении Артема Мелешки на его домъ, нанесении побоевъ его женѣ и людямъ и захватъ различныхъ вещей.*

Того жъ месеца февраля кѣ (28) дня, в четвергъ.

Приежчалъ до книгъ земскихъ Слонимскихъ бояринъ пана Василья Олехновича Мелешка Девятковский Иванъ Денисовичъ, жалуючи и оповедаючи на дворенина господарьского, на пана Артема Михайловича Мелешка Девятковского о томъ, ижъ дей в року семъ шестьдесятъ шостомъ, месеца Генвара тридцать первого дня в четвергъ, у вечеръ, наехавши онъ самъ з слугами своими на домъ, безъ бытности моей, мощно квалтомъ, матку мою Присимью а жону Ганну и молодца моего, на имя Данила, позъбиваль и поранилъ, до двора своего Девятковского повель и до везенья своего осадилъ и теперъ у везенью

своемъ держить; а при томъ наеханью его квалтовномъ на домъ мой у свирна двери выбиты и (з) свирна панскихъ грошей готовыхъ сорокъ копъ литовскихъ взято, которыи я выбираль с подданныхъ пана моего Девятковскихъ, цыншъ и серебщизну; в томъ же свирне згинуло ми сукни две влоскихъ, одна зеленая, а другая лазуревая с кнахлями сребренными, жупанъ бурнатый влоский, шубка жоны моей, подшита кроликами, сукна серого парпъяну; с тогожъ свирна скринка изгинула жоны моей, у скринце моихъ готовыхъ грошей десять копъ, поесовъ оксамитныхъ три зъ занклями сребренными, брамки две перловыхъ, чепецъ золотый, перстенки три золотыхъ, кошулекъ жоноцкихъ, зъ едвабомъ вышиваные, десять. Якожъ жона моя на завтрей, в пятницу возному повѣтовому Станиславу Буйне оповедала тое наеханье квалтовное на домъ, збитье и зраненье и шкоды. Возный Станиславъ Буйно ставши и до книгъ созналъ, ижъ мнѣ оповедала Иванова жона Ганна наеханье квалтовное на домъ мужа ей отъ пана Артема Михайловича Мелеша, и виделомъ на жоне его Иванове Ганне кровь на рукаве на сороцце, мужика дей его с тогожъ дому его жъ панъ Артемъ взялъ и до двора своего звезавши отвель и до везенья своего осадилъ, и виделомъ в того жъ Ивана в дому у свирна пробой выбить а ушаки порубаны, и поведила жона Иванова Ганна, ижъ дей скринки две с того свирна при томъ наеханью квалтовномъ были и рейстра в одной скринце, одно жъ дей не вѣдаю колько пенезей было, мужъ мой то все видѣть. И просиль тотъ Иванъ, абы тое его оповеданье а возного сознанье до книгъ земскихъ записано было. А такъ за прозьбою его оповеданье, а возного сознанье до книгъ записано есть.

№ 395. *Заявленіе Анастасіи Тышкевичъ о нападеніи Феодора Юрьевича на ея боярина и нанесеніи ему побоевъ.*

Месеца Марта ̄ (6) дня, в среду.

Присылала до книгъ земскихъ Слонимскихъ землянка господарская повѣту Слонимскаго ей милость пани Иванова Мелешковая, пани Настасья Васильевна Тышкевича врядника своего Десятковскаго Илью Олексиевича Поповича, жалуючи и оповѣдаючи на подданого пана Артема Михайловича Мелешка Десятковскаго, на Феодора Юрьевича о томъ, ижъ дей дня вчорашнего, вольторокъ, месеца Марта пятого дня, перенемъши дей боярина пани Ивановое Десятковскаго Юхна Андреевича на добровольной дорозе, его самого збилъ и зранилъ, едучи изъ Слонима; яко жъ ей милость пани Иванова тое збитье и зраненье того боярина своего возному повѣтовому Станиславу Буйне оповѣдала. Возный ставши и до книгъ созналъ, ижъ виделъ на боярину пани Ивановой, на Юхну Анѣдреевичу рану на руке левой одле локтя кривавую битую. И просилъ тотъ урядникъ пани Ивановой Десятковский Илья Олексиевичъ, абы тое его оповѣданье а возного сознанье до книгъ земскихъ записано было. А такъ за прозьбою его оповѣданье а сознанье возного до книгъ есть записано.

№ 396. *Заявленіе Андрея Сушки о захватѣ Иваномъ Цыганомъ его челоуѣка съ бумагами и деньгами.*

Тогожъ дня Марта ̄ (6), в среду.

Присылалъ до книгъ земскихъ Слонимскихъ врядникъ князя Олександра Полубенскаго Деречинский Андрей Сушко, жалуючи и оповѣдаючи на врядника князя Костентина Вишневецкаго Деречинскаго, на Яна Цыгана о томъ, ижъ дей дня вчорашнего, волторокъ, месеца Марта пятого

дня, слугу моего властивого на имя Гришка Деменевича поймавши до дыбы его привезалъ, а теперъ его в себе держитъ и взялъ и з нимъ рейстра, што на витины ходили, на которыхъ лейстрахъ пятьдесятъ копъ грошей литовскихъ описано, а пенезей готовыхъ пять копъ грошей литовскихъ, то при томъ служебнику взято. Которое оповѣданье его до книгъ земскихъ есть записано.

№ 397. *Жалоба Петра Васкевича на Парфена Олинцевича за нанесеніе его челоуѣку побоевъ, отнятіе денегъ и оскорбленіе его самого бранными словами.*

Тогожъ месеца ̄ (9) дня, в субботу.

Приежчалъ до книгъ земскихъ Слонимскихъ земенинъ господарский повѣту Слонимскаго з Репничъ Петръ Васкевичъ, жалуючи и оповѣдаючи до книгъ на земенина господарскаго Репъницкаго жъ, на Парфхвена Олинцевича о томъ, ижъ дей дня сегоднешнего, в субботу, девятого месеца Марта, перенемъши дей молодца моего на добровольной дорозе, врочищемъ на Жодковщине, на имя Петра Станковича, невинне збилъ и зранилъ, и при томъ бою згинуло дей молодцу моему тому Петру грошей готовыхъ полтретяцать а шапку роздралъ быючи его, гдѣ жъ я того жъ дня тое збитье и зраненье молодца своего возному Богушу Высоцкому оповѣдалъ. Возный Богушъ ставши и до книгъ созналъ, ижъ виделъ на молодцы Петрову, на имя на Петру Станкевичу, рану на голове на левой стороне кривавую битую, а на руке левой на запястья рану синевую киемъ битую, а на правой руке на локти кривавую битую. Тотъ же молодець менилъ передомною, ижъ дей при томъ збитью молодець того Пархвена Трохимъ отнялъ дей у него грошей готовыхъ полтретяцать. Которое оповѣданье и возного сознанье до книгъ земскихъ есть записано.